

雲臥山莊詩集卷第三

湘陰



甲寅立春日作

十晦棲遲得此身風光又見甲寅春客來頗訝袁安臥
吾老甘爲原憲貧霧氣迷漫山遠近泉聲砰磕石嶙峋
草堂無恙時多難東望滄溟淚滿巾

哭江中丞

功名久許到凌煙幕府初開命遂捐痛哭千鈞真一擲

公黃陂道中別家伯兄
詩有千鈞拚一擲句

傷心轉戰已三年孤城莫障全

雲臥山莊詩集

卷三

淮局臣節猶光半壁天良吏

謂陳太守源亮
鄉明府漢勳

健兒

謂戴
遊擊

文瀾馬都
司良勳

同日盡朱棺馬革總悽然

黃鵠磯邊出餞時扁舟尊酒雨如絲別來江漢仍多故
死去東南更恃誰灑淚直爲天下痛論交遽盡此生期
荒山戢影空悲感滄海橫流未有涯

簡周太學

開錫

卽次其贈家伯兄韻

衰時詞客庾蘭成搖落江關意不平早歲慨慷輕入世
中年事業誤謀生仰天醉舞千尊倒斫地高歌一劍橫
爲想故園秔稻熟壯心未已更西行

草靡波流勢漸成更無奇計荅昇平空山有客吟梁父
宣室何年召賈生夢折瓊枝貽玉女起看銀漢五天橫
憂來瀕洞憑誰掇逕欲從君跨馬行

書劍工夫兩不成填胸塊磊未能平紅塵舊夢匆匆過
白髮新愁漸漸生賸有豪談雄氣在不堪憑眺大江橫
燕川憔悴遺山老百感中來繞屋行

稍喜幽棲計早成時艱閱盡覺心平騎鯨滄海知誰健
射虎南山斷此生修竹壓檐枝繚轉古藤攀樹蔓交橫
結鄰便合稱農隱已辦餘年學許行

雲臥山莊詩集

卷三

二 帖瞻堂刊

雲臥山莊雜詠

東山

卜宅因買山倦飛聊戢翼絲竹寄天風蒼生非我職

周際

層巒遞盤紆巨石森萬狀磊砢不自奇巖巖俯千嶂

檀灣

一徑隱葱翠縈迴有幾灣披衣臥深樹清夢落空山

栗坡

瘦地無十畝種粟頗有餘取足餽粥供何心倉廩儲

天上峯

厭聽人間事來登天上峯徒言天可問搔首更千重

蝦蟆石

當澗臥蝦蟆云是千歲石窮年不一鳴犖确悽行跡

鳴玉瀨

落落四山平涓涓石瀨清鏗然戛鳴玉招隱若爲情

藤花塢

屈曲古藤花盤旋施喬木相依不相妨繞榦黃花簇

邀月磴

雲臥山莊詩集

卷三

三帖瞻堂刊

磴道轉平敞月影澂遙夕壺觴結同懷浩歌入寥碧

南岡

朝暎散林薄爽氣來蒼然時聞野鳥鳴高樹生寒煙

新園坳

誅茆新闢園蒔蔬漸成畦勞身息物慮老與凡民齊

雲谷

虛谷寂無人滃滃白雲合空濛一氣中風泉自相荅

韻弦林

微風拂松枝琴筑參差起天籟發自然清音滌塵耳

迴風峽

羣山此一束峭壁勒迴風雲構屹懸崖鳥道誰能窮

印泉

鑿石沼清泉方池小如印酌之常不窮靈源謝疏濬

眺湘崖

崇崖對西山山外湘流繞滔滔望不極日落江天渺

濤澗

卓立千株樹飛流百道泉驚濤鳴日夜扶杖意悠然

西嶺

雲臥山莊詩集

卷三

四 帖瞻堂刊

竹深桐亦繁橡栗及秋實謀生得所資高岡送斜日

由波容菴下張疋訪家千戶六兄循螺洞登斗嶺

而歸

洞壑高寒裏佳哉氣鬱蔥萬山圍曲徑斜日散村童

稻家家熟瓜壺處處充杖藜成獨往寥落眇秋空

往日招提境今成處士家園林深隱屋草木亂開花

迴雲端入崖懸石徑斜野人無世故隨分課桑麻

吾宗千戶長百戰氣方剛突陣曾摩壘摧鋒善挽強

脫身拋劍戟幽意到羲皇野屋寒林外相望意故長

舊聞螺洞路曲折下高坡絕頂開平野寒泉灌晚禾三
年空想像乘興此經過村落人家遠深山長薜蘿
浩浩飛雲疾行行歸路遙山迴風打稻雨過澗生潮稚
子能相識鄰翁遠見招田家好光景亦足慰幽寥

避世

避世甘窮餓愁吟獨慨慷風聲秋颯沓山色夜蒼涼親
故飄零感干戈歲月長頻聞傳露布早晚下蘄黃
樓船入京口海舶扼東梁勝算應操券孤城斷轉糧縱
橫聯氣勢盜賊敢披猖願矢憂勤意終令四海康

雲臥山莊詩集

卷三

五帖瞻堂刊

秋日早起登東山因下檀灣觀刈稻

晨風鳴北林策策生秋寒山人有幽致未明先啟關清
氣浮衣裳徘徊畦隴間興至足隨往行行陟東山扶桑
浴朝日流輝滿人寰披襟望八荒浩浩無盡觀人天共
一氣今古相循環煙雲幻千變倏忽來無端俯仰大化
中因遇得所安蜉蝣與龜鶴曾不係悲歡彼時自悠悠
我心固閒閒

薄言向西疇田父多喜色晚稻熟秋風刈穫萃羣力提
攜小兒女嚇雀各有職村童拾殍穗眼明時一得但幸

田有餘自然心靡忒年豐民氣和時艱農事亟治平豈
在他服疇與食德遂令閭井萑苻成黍稷力田爲一
科西京有遺則懷哉先民程屬念無終極

秋夜

耿耿銀河迴灑灑玉露團涼風吹落葉秋意滿空山嬾
慢成高隱艱危損壯顏巡階聽蟲語物候若相關
御袂寒無礙垂簾靜亦能老妻閒問字嬌女笑移鐙萬
籟夜初定寸心秋更澄興來還出戶瘦削見山棱

秋日述懷寄伯兄寶慶

雲臥山莊詩集

卷三

六

帖齋堂刊

中年已覺二毛侵消盡豪情入苦吟餐菊紉蘭身欲隱
課薪巡稼力猶任荒山夜雨哀猿響茅屋秋風老驥心
千里相望杜陵客看雲遙識客愁深

近聞

近聞嶺外羽書來又報妖氛起草萊萬馬秋高連戰伐
五羊天遠動淒哀見愁飛挽窮民力祇是經營費楚材
蛇豕縱橫竟如此幾時眞見陣雲開

徹天烽火照關山淚灑南溟戰骨寒守令簿書方報最
萑苻椒澤已藏奸七朝國計存忠厚四海人心盼治安

專聞諸君定才俊好憑威望一登壇

喜家太學五叔至

結鄰擬作竹林游望斷長沙夏又秋暫喜歸來成小聚
仍憐生計託諸侯五年萬里干戈滿一臥深山歲月遒
後日遭逢渺難定且憑尊酒賦休休

奉簡羅羅山

澤南

六十年前樂園老奇勳表表在南山特科曠世幾豪傑
吾子繼起能追攀

激浦嚴方伯如煜嘉慶元年以孝廉
方正科通籍君亦以咸豐元年舉孝

廉方正科

曾著萬言窮理窟獨提一旅捍雄關醅儒循吏更

雲臥山莊詩集

卷三

七

帖瞻堂刊

名將勉矣砥柱橫流間
早歲長沙高氏宅興酣校射相歡呼君今挽強殪狂寇
盛有偉績光吾徒更憶腐公

謂霞仙
廣文

近投筆遠從髯安

奮張弧諸君戡亂各努力容我山澤爲臞儒

周壽山太學將轉餉從軍寄示畱贈舍弟詩竝索
和章將以覘山人志趣所在也疊韻答之

酒酣斫地歌拔劒我所思兮愁不見士各有志故難強
心之不同信如面我歌槃澗矢勿諛君去江湖乃忘倦
竭來羽書日報捷東征要使軍糧羨丈夫恥作一身謀

幡然投筆請從戰轉粟千石費經營連檣東下勞豈怨
傳聞賊勢近窮蹙一箭未施紛已遯布衣殺賊亦足豪
何必假手無尺寸年時議君頗多口好惡未應隨眾論
君家孝侯有前軌發名成業視所變從古儒冠多誤身
落拓久爲時世賤此行須試身手好報國真看男子
健子季蹉跎更事少醜蔑但取一言善對床自得坡老
歡脫穎無爲毛遂薦朔風捲地笳鼓寒去矣何當更畱
戀幕府翩翩多故人一杯不用還相勸

學書不成還學劍少日雄心自見艱危遂欲老聞身
雲臥山莊詩集

卷三

八

帖瞻堂刊

遲迴漸覺妨人面一枝安穩鷓鴣棲萬里飛翔鴻鵠倦
嬾向君平商出處拚學老聃去健羨近聞江漢埽欃槍
更看嶺嶠休征戰廟堂稍紓宵旰憂師徒盡泯祁寒怨
誦詩喜復歌來威筮易從吾占好遯男兒軀幹空七尺
齷齪睫毛長一寸從戎漫詡濟時才閉門但箸潛夫論
遠思使帥振軍容獨矢公忠匡世變誠至能令將士奮
道高轉視功名賤塏羅俊俊同忠勇彭楊觥觥各雄健
就中劉李皆人傑已定指揮兼眾善長沮自甘桀溺侶
孟郊不用昌黎薦雖然交情共性命未遑從事良眷戀

憑君傳語各努力子駕已迴請勿勸

雨後西嶺采蕨

經旬困臥百憂生雨後登山眼乍明自斷餘年伴薇蕨
祇愁無地著柴荆浮雲澗壑迷離影落日郊原黯澹情
民事正艱兵事亟嗟予一飽更無營

寄毛廣文

英卓寶慶

聞君一棹資江去芳草天涯繫我思最憶城南秋雨夜
夢回支枕暢譚詩

領郡朱雲

石樵太守孫詒

吾舊識波流草靡獨聲名五年不見

雲臥山莊詩集

卷三

九

帖瞻堂刊

滄桑變知有蕭蕭白髮生

馮君

樹堂明府

質直信無鄰與我交情久更真此去應須各

努力好將心性託斯人

十年橐筆經過處回首雲山感慨多君到高平如我問
爲言憔悴在巖阿

吾衰鬢鬢欲華顛日向空山託醉眠身賤時危無補益
起看北斗意茫然

題陳堯農員外

本欽

碧湘老屋八笈圖

耆英洛社今誰見勝會城南有唱酬過眼浮雲看富貴

同時諸老足風流壺觴晨夕空如昨戎馬關山又一秋
幾日天河洗兵甲更扶藜杖續歡游

題畫紅梅

一樹鮮紅作意開暗香濃豔兩無猜春風三載江南路
不見梅花驛使來

江南春事不堪論仙子羅浮亦斷魂何處寒山深雪裏
一枝猶帶晚霞痕

湯浣菴羣山秋霽圖

十年不見浣菴老文采風流今渺然尚有畫圖存髣髴
雲臥山莊詩集

卷三

十一 帖瞻堂刊

已看筆墨化雲煙羣山曉色開新霽萬里秋心入遠天
何限西風搖落意斷縑牘與世人傳

鄧小芸廣文雪堂聽雨圖

風雨天涯旅夢寒當時惟念別離難至今孤鴈歸飛日
更覺斯圖未忍看

亂後樓臺幾處存黃州舊事不堪論試聽江上瀟瀟雨
何限人家欲斷魂

南村冬日草堂開曾共諸昆載酒來十四年前回首處
邛山零落豈勝哀

生死滄桑百感并相逢杯酒且同傾他時風雨懷人意
直恐傷心畫不成

簡趙君靖

避地謀棲隱饑驅忽五年客游仍世網南望又烽烟頑
恐山靈笑詩勞遠道傳林巒無恙在慚愧出山泉
舊好聯昆季新知更主賓萍蓬異地感風雨故山春薦
士平生意憂時落拓身楚氛猶未息何以荅諄諄

君靖屬爲點定詩集承以長句見詒次韻奉荅

盲人鑿空指道路誤入歧途悔豈追賢豪雅量善容納
雲臥山莊詩集

卷三

十一

帖瞻堂刊

但有一得皆可師我愧涪翁友坡老君懷敬禮就陳思
班門強獻拙工技未必方圓中矩規

空山忽漫感蒼涼幾輩從軍作國殤盜賊摧殘民已困
脂膏刮盡計非良杜陵憂世惟高詠王粲登樓亦自傷
倘有桃源在人境同游吾欲裹餼糧

題君靖詩集卽次其見題拙作原韻

舊讀餞春酬唱句羨君昆季并詩才十年夢想伊人在
三徑今爲益友開避世羊求仍作客憂時李杜不勝哀
新篇更向尊前讀擊節眞堪盡一杯

中原盜賊日縱橫漫向桑田託耦耕時事有人還痛哭
世閒何處可逃名狂吟苦抱深心在高曲從教俗耳驚
歸計未成塵網密嗟予隱惜欲無聲

送趙君靖之官零陽卽題其北游詩集

用集中過
洞庭韻

一別動經歲滔滔日月流驚人發高咏遠道記曾游車
馬塵埃裏關山戰伐秋眼看黃鵠舉浩蕩羨閒鷗
薄宦成高隱扁舟澧水西閒身爲道重醉眼向人低時
論從長短儒修待整齊蹉跎百無補十載愧羈栖

九月向盡黃花未開費春海明經以詠菊二律見

雲臥山莊詩集

卷三

三

帖瞻堂刊

示次韻奉荅

重陽未放菊花新避世眞成隱逸身自惜幽香存晚節
肯將佳色趁時人杜陵老去終違俗陶令歸來尚有鄰
看取嚴霜發寒豔秋容誰信不如春

香國羣花自擅名一枝籬下若爲情人來老圃秋無信
夜靜閒階露有聲傲骨不隨衰草歇芳心畱伴早梅清
餐英送酒勞相待珍重靈根晚更榮

自長沙告歸畱別共事諸子

權稅違民望悠悠遂十年但憑心似水安禁口如川引

退甯高尚餘生或苟全殷勤友朋誼揮手亦淒然
世局原多變澄觀自不聊賢愚爭一閏恩怨雜羣囂
鼠三更出冥鴻萬里遙何須問伸屈心事在漁樵
讀史懷前鑒從人說是非苦衷千載揭時論百端違省
識盈虛理能忘物我機春花日零落歸採故山薇
落落餘同志錚錚復幾人共持憂患意終見性情真歸
鳥心知倦元龍氣已馴安危仗君等吾老混齊民

舟行次秣生韻

遠樹澹秋色長江生小波舟輕依岸穩帆側受風多猿
雲臥山莊詩集卷三
立磯邊石人如霜後荷深宵看斗宿何路挽天河

三 帖瞻堂刊

湘潭舟中望萬樓有懷戊申舊游

傑閣憑虛籠晚煙斷垣零落草芊芊西風落日催行客
明月高樓憶昔年庭樹向人添美蔭岸花依舊作秋妍
當時游侶今何在獨對江波感逝川

發昭潭遇雨次秣生韻

月光昨夜射篷底明日清游興未已豈知打船風雨來
遂令平地成泥滓眼中高岸不得上況乃登山逞游屐
邇來晴霽已逾月陰陽往復本常理舊聞衡山雲氣多

便恐道路迷石齒生平萬事墮時忌世人棄置如敝屣
作詩欲回天聽高恐失正直空綺靡雖然有志事竟成
精誠或亦神所取挂帆逕向中流去坐聽船人競邪許
詩成雨止雲忽開翻幸塵埃能淨洗

不寐疊前韻

皎月照水清澈底吟情夜半不自己披衣起視星斗高
上下一白無纖滓人生游覽興所寄不知當著幾兩屐
偶尋名山沂湘流靜中激觀得妙理雲容淨斂天蕩蕩
山谷秋清石齒齒此時萬象在懷抱卻思富貴眞脫屣
雲臥山莊詩集卷三

古帖瞻堂刊

對月次穉生韻

明月如幽人澹空澹秋氣因時自盈缺清輝滿天地世
人競推測紛紛亦多事容光無遺照周物乃爲智扣槃
與捫燭所見固已細眾星正爭光莫遣浮雲蔽

空船崖用杜工部韻

維舟造淨域憑高豁遐眺懸崖矗江涘開鑿神工妙深

洞鬱陰沈巉巖聳孤峭石鱗掬寒泉山僧然燭照杜陵
先我來憂時託吟嘯干戈今未已盜賊滿海徼忘情結
朋游放浪公倘誚肅然禮遺像繼聲慙體要

早發壘前韻

重雲翳高空瀕洞窮遠眺萬象遞隱見造物有神妙徼
風天際來江上孤帆峭灘石激清波鬢髮不可照支撐
號羣力響答四山嘯自從開闢來此地落荒徼楚南石
頭多浪被古人誚少陵去千載游覽誰知要

舟中有感壘前韻

雲臥山莊詩集

卷三

五
帖瞻堂刊

十年墮塵網山水負登眺抽身作南游探討窮奇妙瀟
流束襟帶崖石森斗峭江山有形勝日月共臨照憂時
忽慨慷擊楫獨舒嘯蛇豕窟嶺南烽烟又西徼激清會
有期袖手甯辭誚泉石吾已安何人總樞要

三樟市次秣生韻

石級臨江岸人家曲檻通魚鰕依市美杭稻及秋豐雲
重山浮白霜來樹漸紅清游忘遠近放棹信天風

衡山縣

細雨滿江天長風送客船郵程百里道暝色一溪煙城

郭依山小樓臺度地偏到來游興發夢繞嶽雲顛

出衡山縣城途中望嶽疊空舸崖韻

肩輿出郭門連山環四眺嶽色鬱蔥蔥遠望已入妙平
行初蜿蜒卓立忽聳峭暝壑收重雲烟巒明夕照沿途
癡男女拜禱雜歌嘯巫祝楚舊風遺俗尚炎徼我來一
無營邀福神所誚但當搜巖竇佳處抉其要

祝聖寺

勝地琳宮啟招攜到上方寺門通檜柏幽徑轉松篁山
色朝昏異奎題雲漢章繙經思上乘了義總微茫

寺有御

雲臥山莊詩集

卷三

七

帖瞻堂刊

賜藏經

謁衡嶽廟

南維尊巨鎮望祀肅明禋玉殿臨朱鳥璇題耀紫宸

廟中門建

御

書光輔紫宸碑名區含萬象崇禮有千春輪奐由來美

輝煌迴絕倫當門街市輳入廟棟榱新松柏皆行列樓
臺望隱嶙丹朱光照眼金碧畫通神翠巘參差接積廊
左右巡香煙飛縹緲人跡走紛綸拜禱爭邀福奔馳各
僂身徒言荅靈貺何自化齊民瞻顧空多感趨蹌亦表
寅回頭增繾綣往蹟見羅陳楚鼎題堪識元鐘字未泯

豐碑詳祭告老樹鬱輪囷攬勝甯辭倦圖形幾得真朱
張風已渺韓杜句猶珍高詠懷前哲誰當繼後塵

半山亭

石級累百千篋輿結三兩聯翩行紆徐後先遞偃仰有
如泛水鳧輕隨波下上稍稍陟半山孤亭納萬象中藏
鬱隱秀前眺豁開朗左右交層巒雲氣互摩盪疏林澹
幽意風泉苔清響曠然怡心神信步成獨往入山從此
深襟懷浩無濼

丹霞寺

雲臥山莊詩集

卷三

七

岫瞻堂刊

長松夾道蔚陰森山影微分松影深屏障忽開天宇曠
峯巒盡埽嶺雲沈斷崖零落前朝字古屋蕭條祗樹林
駘背老僧能肅客一甌相對滌塵襟

南天門

撲地堆羣阜階天接一梯懸崖森壁壘古道入招提風
動陰晴變雲生咫尺迷飛騰游興健絕頂更扶藜

祝融峯

南方作鎮配朱鳥山勢如翼爭開張祝融居尊最峭削
昂首似欲凌穹蒼紫蓋一峯獨東向恍惚掉尾翮高翔

雷池風穴鬱奇怪吞吐雲霧連蒼茫我初登山遇秋雨
咫尺山色皆潛藏豈有精誠能感格劃然天地回清光
高低遠近豁呈露攢峯旁演趨平岡五龍夭矯落天外
若挂匹練交騰驤此時眼界入空曠俗慮不絀神飛揚
手捫石壁認題字苔蝕蘚剝難具詳人生行跡偶寄託
意興所到隨徜徉名流俗士同一盡安用鐫刻空張皇
吟詩大笑謝山靈狂歌聲與長風長

觀音巖

空舡高出雲其中劇深黝

空舡崖亦名觀音巖

茲崖稍低狹劃若

雲臥山莊詩集

卷三

六

帖瞻堂刊

神工剖蚪松蟠巖側眞見支離妄云是念菴植綿厯歲
月久如何風雨宵不化蛟龍走

不語崖

卓錫人何在高崖終古懸客來無一語石瀨自涓涓

會仙橋

巨石上平曠其下乃瘦削三石相撐拒離立不容腳飛
登數仞高失勢千丈落仙人亦好事據險成略徇高會
在何年遺踪付冥漠誰言山中人夜靜聞鸞鶴

上封寺僧金山索予書聯拈禪室欣陪遠公語名

山舊許鄴侯來十四字應之卽用聯語足成一律
以贈

長空秋淨氣佳哉高處憑臨倦眼開禪室欣陪遠公語
名山舊許鄴侯來一聲梵唄諸天靜八月西風眾壑回
多謝上人畱客意殷勤且盡手中杯

祝融峯觀日出

高秋八月天清空盡斂雲氣歸鴻濛五更雞鳴振衣起
步上絕頂凌瑤宮是時星月燦森列四顧一色相昭融
須臾明霞圍萬丈燭天照地何熊熊赤丸跳盪起復落
雲臥山莊詩集卷三
光燄激射成長虹初疑燒空烈火烘赫赫直欲燔蒼宮
又疑天孫織雲錦散落綵縷堆青紅心搖目炫氣慄栗
火珠已吐扶桑東人言觀日最奇絕隱見海水涵沖澗
我來正逢秋瘴發尚愧無術開氛冦寺鐘漸動曙色薄
歸途浩浩生寒風

下山

磨蟻旋螺石徑開手扶藜杖下崔嵬煙籠曉日雲邊合
路繞行人頂上來老樹經霜鬪紅紫飛泉赴澗起風雷
名區再宿成畱戀指點游蹤首重回

衡嶽後山邛壑重疊竹樹青蔥風景絕勝隨意所
造遂忘遠近夜宿景泗書院前臨馬跡橋朱張二
先生經行處也

隨地成邛壑松篁四面深遠山時隱見幽境耐搜尋
暝色迎人暗墟烟向夕沈茫茫問前路去住兩無心

昔賢畱馬跡今日尚名橋講院依山起幽棲遠市囂風
塵容息轍踪跡混吹簫

時有湖北流民亦借寓書院中

抗首懷千古心

期物外超

黑沙潭

雲臥山莊詩集

卷三

三

帖瞻堂刊

峭壁凌空起山泉破壁來奔流飛細雨直下走驚雷稍
注噴仍放斜趨劃忽開龍湫渺何許弔古一徘徊

石壁鐫海

南龍湫四字相傳是宋徽宗所書

方廣寺

蓮華峯下水潺潺僧寺清幽占一山墮地銅鐘宋規制
插天銀杏古斑爛頽垣壞壁荒涼景碧瓦朱甍想像間

寺僧云寺當乾嘉時最殷富閎麗今殘毀殆盡矣

莫問名賢游歷處隔牆祠宇

掩柴關

寺右爲朱張二賢祠

梵宇興衰固有因名山自見性情真蹲獅勢欲翔雲表

洗衲痕猶在水濱曲澗流泉鳴地籟倒空飛瀑挂天紳
穿雲踏月時來往輸與山中咍鑿人

石澗潭寺

連林古木不知名繞樹幽禽時有聲栖息偶投蕭寺宿
招邀如見故人情禪心肯向山中定客意真同澗水清
休訝夜來雲氣重未嫌風雨阻行程

自石澗潭循山麓下馬跡橋

磴道盤紆一徑斜籃輿轉處有人家山腰架屋多依竹
石竅奔泉欲作花秋後小園饒芋栗舊時古寺委泥沙
雲臥山莊詩集卷三
二賢遺跡還祠廟回首寒林噪暮鴉

山行

踏破寒雲過九華山行一路雨如麻人家恰在山窮處
開遍野田蕎麥花

自荷葉村赴永豐

山勢東趨衡嶽去客行西向永豐來輪蹄老向長途慣
風雨寒生萬壑哀林滿松篁知地利野多冠蓋見人才
茲遊頗快平生興試買村醪盡百杯

峯巒盡處水迴環中有平原列闐闐溪漲漸添通巨舸

溼雲乍斂見遙山地連衡寶街衢大會散茶棉市集閒
野興蕭疏愛登眺更憑高閣豁塵顏

下灘

羣山爭水勢巖峩屹相向左右交森列詭怪含萬狀水
低性趨下山高氣殊亢約束盈丈中輪注眾溪漲逶迤
鬱百蓄澎湃逞一放衝沙挾巨石力大無與抗焉能迴
狂瀾但足礙輕舫放溜雖若馳回顧神猶愴山靈獨何
爲終古隘而妨容納百川流偉哉江海量

江口

雲臥山莊詩集

卷三

三

帖瞻堂刊

側水發邵陽東流勢迴旋四山夾其上中有沙石填穿
罅走急溜迅若箭離弦舟行入深港環顧不見天仰窺
但一綫直下如墮懸稍出山腹輿平疇忽在前野店四
五家晚炊生微煙漣水此來會舟楫漸相連狂風動地
起萬竅號喧闐微波獨不興鼓棹殊安便人生游大化
去住隨因緣蹤跡豈有常登覽亦偶然沽酒且行樂詰
朝還放船

湘鄉縣

依然溪上互長橋四度經過廿載遙小艇受風能翦浪

重灘過雨欲生潮安陽井在泉猶冽登善池深水未消
笑我賈胡畱戀慣每逢佳處輒停橈

十年天地滿兵塵屈指誰為社稷臣往日交游共叩甌
異時圖畫到麒麟九原不作能無感一柱撐天尙有人
翹首東台山色好此邦文獻正彬彬

又筒車聯句

機巧奪天工稊生輪轂出新造截竹縛四周樛變迎風通萬

竅蛩蝻偃波長稊生轆轤衝水嘯不雨日飄灑樛變非雷時

霹爆仰見華蓋馳稊生疾捲銀河倒蜿蜒龍吐涎樛變聯翩

雲臥山莊詩集卷三三帖瞻堂刊

魚上釣縑盤夜紡絲稊生規側旁飛瀑伊啞無停聲樛變涓

滴奉急召珠簾放復收稊生縞帶垂旋掉通溝轉地脈樛變

截流分雨膏鳳笛發鏗鏘稊生鸞笙吹繚繞初疑弓張弦

又似劍出鞘樛生稍下纔宛轉忽起仍桀驚如何作波

濤長此處津要樛變揚之高雲霄屈卽沒泥淖彼蒼有微

權此物亦小效稊生卻惜灌園翁欲攜卮酒勞聯吟愧韓

孟聊用佐談笑樛變

題龍樹棠詩集

老樛吳樛臺孝廉淮睥睨萬人豪同輩猶傳龍伯高往日酒徒

齊頰首滿天詩思入拈毫時乖空歎馮唐老吟苦誰憐
東野勞試取新篇鐙下讀寒窗風雨夜刁騷

吾鄉詩老首安愚

周半帆先生

繼起羣賢各徑途風雅自增

桑梓重流傳未覺典型徂狂言我欲輕餘子高詠君應
敵百夫何日分曹結吟社酒酣相對聽歌呼

奉送暉次山中丞歸常州一百韻

朔風冬始肅寒日照顏色悠悠結中情惘惘惜茲別十
年憂寇盜企想屬英傑交游盛時彥我公獨殊絕五馬
來湖湘覲面識風烈特立外孤峭虛受中樂易發錮在

雲臥山莊詩集

卷三

三

帖瞻堂刊

枉渚張弛妙施設淬厲鋒刃銛晶瑩神觀徹渤海傳循
吏史氏言有闕刀劔豈易賣其中具威克世衰民氣囂
官尊下情逃良莠漠不分萑苻患乃劇公曰亂方萌惟
辟可止辟窮簷待安全伏莽要按剔紛紛揭竿徒一一
窮其迹民望詫若神醜類知自戢內治當權輿外寇忽
臨逼烽烟五月高資沉一水隔倉皇空市塵鎮定紆籌
策守禦事立辦覬覦氣潛折戈船樹聲勢奸宄消反側
經營艱難餘籌畫銜積衛民寓深謀匪曰窮民力法
行眾所安至今守程式政成膺顯擢父老環臥轍維時

江水漲洪流驚四塞一綫互長隄瞬息卽崩裂畱身捍
狂瀾飛檄召徒役踴躍爭來會鬼神爲感格危險化平
康遂用拯饑溺偉哉百世量懷畏兼威德 九重稍知名
名全楚殷望澤再遷縮藩條庶事歸提挈丰裁峻山斗
名實必綜覈澄敘出至公度支無遺畫軍興厯年歲浮
費迭損益鉤稽苦分明勞怨視猶蔑懇懇如家事瑣瑣
盡躬厯不遑耽暇豫祇是嘔心血崇階喜洊陟忠悃益
勉竭秉禮振頽澆訓俗勤輔翼楚南號多稻稻多輕棄
擲公爲圖於豐儲穀百萬石利便因乎民出入編以籍

雲臥山莊詩集

卷三

五

帖瞻堂刊

凶荒備無患閭閻免捐瘠租庸有常調正供本民職未
流競科斂取盈逾定額脂膏遍搜括揮霍資頃刻公私
交困弊因仍動牽掣惟昔嶺南公

謂駱韜門宮保

慨然與蕩滌

恩施及數縣積弊未全革公爲去太甚章程督鐫勒實
惠眾普沾大功人不識邊隅邁鄰警道路馳羽檄飽騰
賴前籌將士各奮激安危制勝算坐使氛祲息宦途習
波靡變化渺難測繭絲浩羣趨誰念民物責自公莅封
疆懍懍惛頑劣昏翳湛清明榛蕪豁開闢宏綱旣張舉
細務亦整飭胥役禁驛騷條教垂典則百慮根一誠寸

衷周庶績 朝廷籲才俊實欲活邦國開府耀旌麾豈
謂供炫赫歆醜混眾醉全軀計誠得願惟天步艱忍守
老氏黑獨行忘世忌薄俗工影射亦聞鶴鷗鳴未覩鷹
鷂擊黃鵠游昭曠舉翮觸矰弋推擠固多方附會出燕
說 聖朝重黜陟疑似務剖析臣心雖水清眾口肯冰
釋終投曾母杼言罹考功斥寵辱奚足云是非端可惜
蒙生後古人趨時慚蹇拙強顏試身手信步蹈危愒世
譽或謬加積毀輒交迫徒倚涇涇性常恐嶢嶢缺寒暑
四推遷檐帷容揖客許與惟道義傾吐披肝膈滄海嗟
雲臥山莊詩集 卷三
三 帖瞻堂刊

橫流擊楫希往哲妄思效綿薄佐勳書竹帛力歎心有
餘事往腸猶熱知公情繾綣送公意淒切 國運際中
興賢才各就列 皇仁廣在宥萬彙被湔雪行看搏風
鵬暫作退飛鷁謳歌滿沅湘志操昭若揭高秋挂歸帆
故園就安宅黔皙黯無言相對同惻惻毘陵古名都冠
蓋相照絕荒涼兵燹後城郭生荆棘瘡痍久未蘇水潦
復爲厄歸途易感觸珍重眠與食心氣慎修治思慮貴
省嗇善保千金軀且勤養生訣異時起東山仍期勵初
節湘山高嵯峨湘水激皎潔山水無變遷去思何終極

游衡嶽歸龍樹棠以詩來訊游蹤卽用其韻荅之
憶昨南登祝融峯振衣聯步翔雲中山光雲氣渺莫辨
呼吸帝座疑相通同游落落二三子咤歎奇觀有如此
清風吹雲雲忽開突兀羣峯見環峙陰晴變幻本適然
盡驅雲山當我前夜升高臺望曉日坐看朱輪海中出
還從山陰渡石澗漸覺水木都明瑟黑沙潭上吼瀑泉
波浪激射蛟龍淵梯空鳥道踏一綫翩若縹緲凌虛仙
心神曠遠萬緣謝卿相於我何有焉歸途草草理舟楫
又被塵俗相拘牽萍踪鴻爪偶寄耳瞬息變滅隨雲烟
雲臥山莊詩集 卷三
勞君作詩遠問訊他日就正游山篇

三
帖瞻堂刊

雲臥山莊詩集卷第三終

男慶

藩護

孫本

堯堅

恭校字

雲臥山莊詩集卷第四

湘陰

郭崑燾

樗叟

論詩荅龍樹棠卽次其韻

詩家格律本天成，主客紛紛漫品評。
自要鴈行前輩上，莫輕塗抹逐時名。

不論孰魏與生張，一律爭妍欲擅場。
林下自饒風味在，幾人顏色誤濃妝。

撚斷髭鬚費苦吟，經營誰見古人心。
祇知才力分高下，肯信工夫有淺深。

雲臥山莊詩集

卷四

一 帖瞻堂刊

難得詩成字字安，句中意象儘荒寒。
妍媸不入時人眼，畱與江南子布看。

綺語纖詞自不閑，野花無主石頭頑。
橫流滄海知何極，屹立終存砥柱山。

強學塗鴉說杜韓，夏蟲逐熱豈知寒。
眼前生面從人闕，旗鼓須登大將壇。

酒徒吟侶契雲霞，羨爾林泉歲月賒。
莫倚新聲聽豔曲，試揩老眼對黃花。

吾文於世未堪傳，詩筆如君固自賢。
更取狂言證佗日。

不辭往復賦新篇

笙陔叔見和去歲長沙留別詩並示元日試筆疊韻之作次前韻奉簡

蹉跎拋晷影感慨入新年世事西馳日流光東逝川九霄多雨露四海待安全出谷鶯聲滿吾衰祇唱然

綵勝從人戲幽棲且自聊坐看山色改終遠市塵囂淑氣隨時有烽煙極望遙茫茫生百感嶺外盼歸樵

潛蹤成踽踽妄想總非非事業乘時貴聰明與世違遠懷彭澤令好息漢陰機紙帳梅花夢猶勝對紫薇

雲臥山莊詩集

卷四

二 帖瞻堂刊

夙昔道南阮高情非眾人文章必稽古疏拙獨存真踏路驂騑倦巡檐鳥雀馴重吟結鄰句倘羨葛天民

四十四初度龍樹棠以詩爲壽次韻述懷兼酬樹棠

墮地謬稱英蹉跎暗自驚半生成轉瞬卅載忝虛聲身退貧非病時艱否未傾休占少微宿隱見不分明

不才宜嬾廢生事屬艱難苦抱匡時策叨陪大將壇秋風感張翰大雪臥袁安俯仰人間世繁憂有百端

幸遂林泉願眞看雨露偏論文千載上坐我萬峯巔縱

浪陶徵士疏狂李謫仙白頭從料理詩酒送餘年
龍窠耽吟興賡酬一笑同識塗存老馬衝漢想冥鴻大
敵吾猶及偏師子有功還期各華髮擊壤頌年豐

題賀潤山明府石城送別圖卷用卷中羅研生舍
人韻

扁舟歸載秣陵春遺繪依稀尙入神六代江山餘舊夢
十年城郭黯兵塵滄桑何限人間事翰墨猶存劫後因
把卷沈吟雜悲喜石城風景又重新

題鄒春笙比部遺集

雲臥山莊詩集

卷四

三 帖瞻堂刊

不見鄒陽二十年故人奄忽入重泉空山剝啄來孤子
遺墨飄零賸一編卻憶長安踏塵土同時高會共聯翩
傷心豈獨人琴感回首滄桑倍黯然

題鄒詒山廣文所藏先世太僕公會試硃卷

古梅鄒氏富文采我初但識詒山翁昔年示我訓子作
矜惜欲與彝鼎同因論家世誦先烈娓娓首及太僕公
昨歲長沙書抵我云有至寶巾箱中前明嘉靖歲壬戌
闢門籲俊羅豪雄太僕巍然掇高第淋漓大筆騰長虹
流傳硃卷在人世忽得舊物驚奇逢收藏篋衍述祖德

徧索題詠揚宗風吁嗟物久則必壞金石亦或歸銷鎔
沉復中經革代變四海鼎沸紛傳烽區區試卷亦何有
故應委棄如秋蓬豈知三百有餘載尙啟後嗣珍良弓
乃信英靈實默相匪僅文字能感通我目未覩心已折
羨公門第方隆隆勉矣諮山慎護惜此卷合作彝器供
何不將此訓孫子永永年代傳無窮

述懷

十年經七徙吾亦等民流卜宅荷塘上移家桂樹秋

園中

銀桂一枝
花開正盛園林仍舊制牆壁各增修野性耽疏放真同

雲臥山莊詩集卷四

四 帖瞻堂刊

鹿豕游

伯兄家
蓄一鹿

排雲謁仙眷

移居之日雲氣彌上眷屬肩輿
自雲中而下人以爲仙之人也

出谷入新

莊浙浙連宵雨盈盈半畝塘萬緣付滄海一枕熟黃梁
生計知何似猶慚八百桑

棲蹤遺物累畊稼頗躬親世外無榮辱山中孰主賓長
鑿狎幽谷斗酒會東鄰舊好如相問煙霞著此人

月生別後見寄一首疊韻奉答

移居就平曠避俗掩門閭忽枉故人轍來尋小隱居歡
言三日酒清話十年書莫負結鄰約安心樂有餘

嶺外東坡老歸來接里閩蓬蒿仲蔚宅寂寞子雲居款
客無兼味傳家有異書幾時重見訪幽興及春餘

志城弟四十生日伯兄舉坡頴故事賦詩爲壽次

韻二首一呈伯兄一壽志城

伯氏學識天下奇自致千載無復疑生平徧踏九州路
所歷往往逢欽崙皇皇開府古節度遠落海嶠成孤危
予季獨往共性命頗釋憤鬱相怡怡田家兄弟老相守
筋力雖苦心娛嬉我方對此作愧歎翩然幸及歸畊時
南山築室發高詠東坡聽雨多新詩百年此樂今可得
雲臥山莊詩集卷四

五 帖瞻堂刊

放假便欲同尊厄斯文榛莽要開闢兄導先路吾能隨
眼中世事不足道名山之業當深期

季也意氣頗權奇時論一闕紛然疑低顏折節向人世
寸心五嶽終歸崑朅來閉門究經史約身高蹈安無危
階前玉樹森可喜嶺上白雲靜自怡人生聞道苦不早
浪費晷景眞兒嬉君今進德日未已四十正是有聞時
我偕親朋起爲壽埽壁卻見伯氏詩長吟我亦樂忘倦
酒戶欲溢猶引卮海鶴昂藏自有態雲龍追逐誰當隨
吹壎吹篪永相保年年此會償心期

寄壽笙陔叔四十疊前韻

昔日存門老人宗之奇一官棄去不復疑白鬢飄飄晚
逾健乃與山嶽爭嶽寄先生繼起紹家學耽道頗欲窮
微危閉門不知鼻端黑但覺開卷心顏怡前年秋賦忽
報捷吾宗聞者皆嬉嬉先生飲然不自足丈夫志事在
濟時長安射策遭放斥歸途感激多佳詩今年四十亦
稱壽遠憶良會交傾卮張筵若敘竹林樂尙幸予季能
追隨傳家老壽有前軌更祝耄耋無盡期

奉次伯兄粵東畱別詩韻四首

雲臥山莊詩集

卷四

六

帖瞻堂刊

辛苦籌邊待弭兵輕裝已出尉佗城嘔心三載誰同調
僕指千秋幾令名滿地浮雲連鬣隳寥天孤月照空明
蕭然仕隱無殊致依舊寒窗擁一檠

滔滔滄海尙橫流廊廟江湖共此憂寶氣空教胡賈識
陽春卻笑楚人謳眼中朱紱多新貴世上青門老故侯
回首南荒天萬里不堪消息問官郵

大木垂天有遠陰枯槎架險亦森森未妨嶺外牛羊牧
猶見雲邊檜柏林夷甫聲名欺世易鄴侯蹤跡入山深
戈矛起滅終何有止在清虛問此心

純菜鱸魚著處家一經猶及作生涯山中莫遣蒿成樹
海上虛傳棗似瓜翦燭好吟涼夜雨拂衣同釣楚江槎
尋思翻喜歸來早料理長鑿劔禹葭

題彭彥深觀察

洋中

遺詩冊卽用其韻

耆年始典城六月已風行遠道問消息天涯隔死生魂
歸湘水咽心鑒錦江清歎息斯人去無由見政成
顛危嗟世運慷慨與扶持憶昔長征日慚予出餞遲人
間才有幾天意渺難知悵望潼川路空聞父老悲

屬續神明定遺詩遠大期傳家有陰德報

國惜衰遲

雲臥山莊詩集

卷四

七

帖瞻堂刊

仁孝心無忝平生志不移清輝安可仰愁見月輪虧

經術人倫望流傳弟子行嘔心存一集瞑目付同方豈

謂歸淪沒甯徒痛死喪

觀察詩文其嗣君葆初茂才以屬鄧伯昭明府編校伯昭自蜀

歸沒於水觀察遺集遂付波臣伯昭入蜀後撰著亦十不存一二矣

尚畱斯冊在遺澤百

年長

有感疊伯兄畱別詩韻

槎柯肺附鬪心兵寸地居然萬里城跨世縱橫憑意氣
因人倏忽立功名空傳辯口如蘇季幾見誠心似孔明
寒谷雪消冰泮後可堪重對讀書檠

迴瀾人望截狂流莫倚虛驕百不憂斗北眾星猶拱極
河西他日倘聞謳心知販豎甘同伍手挈兒童亦列侯
泛駕何當千里任況聞善御乏孫郵

高天雲起變重陰入眼迷離萬象森豈謂鷹鷂能毀室
更呼鶻鵠與巢林罡風自要通霄漢海水無由測淺深
人事茫茫誰會得焚蘭逐臭定何心

肝膽由來共一家不應覲面忽天涯舊時丹竈同支鼎
何處黃臺好種瓜道左正逢人築室河源莫問客乘槎
樓船未出寒濤起愁見嚴霜落蒹葭

雲臥山莊詩集

卷四

八

帖瞻堂刊

伯兄五十疊前韻爲壽

世事悠悠紙上兵由來吾道有干城投竿暫爲蒼生起
挂笏仍懸白日名嶺樹回頭春雨暗山花照眼午窗明
大詔在壁驚禽渺莫向弓人說待檠

佳日壺觴曲水流林泉道在百無憂坐花醉月天倫樂
鑿井畊田擊壤謳世俗功名空復爾平生肝膽數誰俟
旁人未省辭榮意豔說除書到遠郵

大木能垂萬木陰階前蘭玉亦森森曾攀香草宜爲佩
更喜孫枝欲出林百歲年華今已半一家歡樂意同深

當筵記取壘簾奏不負聯牀聽雨心

餘事文章滙百家初心道德浩無涯卻思蒙叟稱樗櫟
肯信安期有棗瓜裕後但貽君子穀急流先返使臣槎
稱觴我更歌偕隱世外伊人兩岸葭

自長沙乘月夜歸途中有作即寄曾劼剛公子黃
子壽方伯竝訊黃南坡方伯劉霞仙中丞兼懷闈
中諸子

疾風怒挾塵沙立落日涼生天地秋獨客暫歸江上路
清宵眞作月中游桂花香近文章貴蓮葉池邊杖屨留

雲臥山莊詩集

卷四

九

帖瞻堂刊

卻憶能詩蘇叔黨主賓應復續賡酬

重過洄溪渡有感

咸豐六年王觀察壯武公
督師援鄂子曾送之至此

一水抱城曲數家垂柳深十年重喚渡萬感入悲吟世
事仍無定斯人不可尋秋風吹落日江上埽層陰

次韻荅費春海司馬九日登高之作

寥泐天涯易感秋又逢佳節託清遊眼前臺閣參差起
目斷江河日夜流老驥歸來仍伏櫪元龍何處可登樓
家風儻有長房術終放人閒出一頭

長沙送稽月生廣文還零陽

朔風淅淅拂征衣客裏家園暫賦歸搖落又逢秋意盡
文章終與道心違愁雲羃地天如醉積潦漫洲草不肥
悵望扁舟西去遠平湖無際鴈鴻飛

總角論交欲白頭卅年聚散幾浮漚唱酬與我如叩缶
名字從人喚馬牛少日疏狂輕一第危時感喟動千秋
無忘罾港江邊路淡月疏星夜泊舟

贈費春海司馬

昔歲甲子始識君相逢一笑和且敦是時落解不稱意
幡然遠赴西江軍三年契闊斷音問滔滔歲月風吹雲

雲臥山莊詩集

卷四

十一帖瞻堂刊

山林臥久復城市君恰游倦歸鄉枌雲霄倏已耀毛羽
官職頗亦酬功勳仍偕少年踏闡棘抱璞欲獻終無門
天心閣上作重九仰視霄漢愁攀援揮灑醉墨浣素壁
狂吟詆蕩驚其羣竭來書扇持贈我有似積雨後晴曛
嗟予詰曲縛塵網畏見人面妨吾真樂天長裘杜陵屐
奢願在抱無由申陰霾十日掩關坐一編兀兀忘朝昏
君詩快可埽霧霽書法更得平原筋永州舊是山水窟
元柳遺蹟何續紛浯溪愚溪遙相望苔碑蘇碣猶堪捫
紅蓮稻熟香可斂白墮酒美傾盈尊細思物理得妙悟

意有獨造無遺屯便安竹榻狎猿鶴或假櫻拂驅蠅蚊
秋塍滯穗亦何有坐令鷄鶩交爭喧願君歸去種籬菊
會有好事來相存

寄懷趙君靖廣文慈利

一別五年音問斷故人著作近如何聞從隙地開池館
定擬閒情賦澗阿世路漫驚榛棘滿升庭新長芷蘭多
冷官亦自關清福莫放年華電影過

年來我已乞閒身又裂荷衣走世塵蕩蕩青天看不極
滔滔滄海去無垠中原正盼澄清略下澤終思放浪人
雲臥山莊詩集卷四

十一 帖瞻堂刊

山館聯吟如昨夢瓊瑤還望報江鱗

客中書懷疊送別稽月生韻兼寄月生

雞聲喔喔促披衣夢覺旋聞鳥喚歸倔彊人前終計左
平生自信與時違鶴鳧漫欲爭長短駝馬何緣較瘦肥
日暮天涯搔首望浮雲無定傍空飛

人情起滅似潮頭潮過江空水泛漚筋骨皮毛同相馬
斧斤鋸刃各屠牛澗松磊砢空高節籬菊飄零遍晚秋
安得重攜游釣侶一尊浩蕩趁虛舟

春日有感再疊送別稽月生韻

千仞岡頭好振衣未成遠志便當歸中流擊楫心空壯
高座傳經願竟違吾道止須存落寔時人不用笑癡肥
新鶯自逐東風語幾見冥鴻天際飛

橫流何地問源頭纔過前漚又後漚擾擾塵中忙蝨蝨
紛紛壁上篆蝸牛春光漏洩新開歲時局艱危盼有秋
聞道長河冰已泮濟川能不念同舟

初度書懷

二百七十九甲子我生到今亦可憐盛衰瞥若石上火
身世茫如江外船欲踏塵軌無捷脛每呵古壁揮空拳
雲臥山莊詩集卷四
當時弧矢邗可憶正是天下安樂年

三

姑瞻堂刊

今日置酒會賓友詰朝戒僕還出門風塵逐逐使人老
歲月冉冉慚身存漸覺窗曦變春暖稍欣池水通泉源
吾徒飽食祝歲稔瘁榮勞逸安足論

寄張小野大令

本光

金臺射策興翩翩一別天涯廿四年襦袴喜聞歌海嶠
琴書旋報返田園亂餘人事嗟多變病後風情劇可憐
悵望谿雲憶張籍此才誰信老青氈

題歐陽坦齋師遺像

名山壇坫老經師北斗聲光重一時我亦醉翁門下士
披圖猶認舊鬢眉

三十年前侍講堂當時童子鬢毛蒼河汾人去滄桑變
剩對遺圖一斷腸

題裕時卿方伯晚涼看洗馬圖

汗馬功成鬢雪侵暫拋簪笏向山林廿年黔楚籌邊策
千里騰驤伏櫪心玉塵瑤琴供嘯傲高梧垂柳對蕭森
平生攬轡激清意拊髀還應感不禁

題張石林貳尹柏石圖小照

雲臥山莊詩集

卷四

三
帖瞻堂刊

舊識張侯骨相奇照人肝膽古鬢眉一官潦倒百僚底
萬感蒼茫獨立時幽徑雲封存介節深山歲晚見高枝
此情自要論千載付與輪囷柏石知

題熊秋白農部詩集

西垣不作南屏老湖上詩壇孰主盟往日聯吟鬪奇險
隨身一卷復崢嶸杜陵憂國心猶壯摩詰安禪氣自清
落日九江流盡處哀時詞客莽愁生

題讀書秋樹根圖示兒子慶藩

讀書要識書中意古屋寒泉吾道存老子自嗟荒歲月

汝曹何幸守田園疏林半落風餘葉晚節深畱霜後根
努力秋光莫虛擲一編珍重伴朝昏

歲暮寄懷李梧莊丈

生年七十古所羨丈人過之又十年早日聲名動湖海
老來事業在林泉道高豈謂身無用世亂方知隱是仙
料理圖書娛晚景山中歲月總陶然

我拙真成負此生年來出處兩無名世人譏毀古人笑
舊學荒蕪異學鳴問字元亭心繾綣寄書天末歲崢嶸
幾時乞得閒身去載酒來陪杖履行

雲臥山莊詩集

卷四

古

帖瞻堂刊

慶藩以小冊求書爲雜錄古近體詩并賦此示之
作詩三十年歲月老吟哦積久成卷軸所得固已多古
人重詩律與世殊白窠蛛絲綴露網蝟甲挂霜柯物各
有程式失理便成瘡天籟出自然人聲宣其和古稱辭
必達詩文同一科吾生櫻世罟意氣頗差峩邈然志古
初有觸還放歌冥行信所遭未省旁人訶時或遭虛獎
雷同以浴譌自知乏深造靡靡隨頽波溝渠泛春雨浩
瀚羞江河低顏就眾譽內愧將如何小技豈云道亦在
窮研摩執藝尚專精成名非有他汝曹慎努力吾計終

蹉跎

題畫

金碧觚棱企望勞，西山舊繞五雲高。
月明樓閣連霄漢，風動杉松拂羽旄。
歲晚滄江成浪跡，當時畫省看揮毫。
低徊二十年來夢，卻向塵中首更搔。

陳生

作霖

就予請業以詩爲贄，次韻示之。

少日飛揚一世雄，老來仍媿舊吳蒙。
微才可笑生何補，虛譽翻爲眾所崇。
豈有罪言傳杜牧，分無高節企王通。
勞君載酒還相訪，欲和陽春曲未工。

雲臥山莊詩集

卷四

五

帖瞻堂刊

伯玉才華迥出羣，澧蘭沅芷挹清芬。
六鈞自向人前挽，九戰先驚壁上軍。
不惜琢磨成大器，應須翰墨策奇勳。
男兒身手誰能料，坐見騷壇埽積氛。

人生出處信遭逢，鷓鴣鳧鷖各有蹤。
世路儘容千態變，山居不放萬緣濃。
待看晚達高常侍，休哭窮途阮嗣宗。
塵海浮沈吾計拙，褰裳嗟爾漫相從。

學道心期慎面牆，幾人事業誤疏狂。
浮名逐逐五都市，眞契寥寥大雅堂。
遲日雲開心自喜，殘春花落意空傷。
天章雲漢從君挾，終遣乘風近帝傍。

沽諸豈必勝藏諸抱璞常令價不虛夢裏誤將身化蝶
眼中安識子非魚文通孤負生花筆逸少流傳乞米書
得失千秋歸定論莫爭旦夕趁時譽

今情古思落吟邊折節真堪一榻懸湖海元龍存意氣
泮林飛鳥有因緣衰遲已斷騫騰望嬾慢甯當衣鉢傳
默數生平多愧負慚君投贈意纏綿

自荷葉山莊入城途中偶作八絕句

籃輿曲折繞山行山盡溪流一道橫正是雨餘新漲滿
碧波搖盪小舟輕

雲臥山莊詩集

卷四

六

帖瞻堂刊

平疇百頃遠相連歷落人家深樹邊一水灣環山四面
眼中圖畫是天然

旅店臨歧三五家樹陰掩映酒帘斜當鑪亦有紅顏女
汲得山泉煮苦茶

二月春晴綠欲齊山花濃壓嫩枝低農夫未省花消息
卻放流泉入小溪

長板橋邊小小村傍山臨水各開門綠楊春色家家共
時有鄰雞過短垣

估帆乘水去如馳隄轉溪迴帆影移後艇又催前艇去

要津爭逐不知疲

油菜花開匝地黃水田饒沃勝山鄉澤農卻比山農苦
歲歲須愁水決防

渡河西指接郵程漸覺南風送市聲山色水光看不足
更攜吟興入湘城

聞援黔官軍失利黃劭坤廉訪鄧星陔觀察羅伯
宜太守榮楚珩軍門竝及於難感賦二首

捷書屢報下名城旌旆飛揚賊膽驚轉戰已聞過白洗
計程便欲指黃平只期笳鼓歸來競豈謂風波意外生
雲臥山莊詩集 卷四
斷送英雄歸馬革大功遺憾敗垂成

七
姑躡堂刊

險絕蠻荒阻萬山舊聞猿鳥窘飛攀十年虎穴岨終負
七萃蟲沙命不還路斷黃飄天慘澹魂招黔嶠涕潺湲
長驅肯信危機伏西望茫茫一愴顏

次韻酬金眉生都轉枉過畱飲見贈之作

十年知姓字千里隔關山忽枉篋輿至歡言尊酒間
遠觀齊得喪高論起虛孱不信雲中鶴開籠羨白鷗

苦雨鬱懷抱逢君眼爲開世人驚美服天意詭奇才今

古事何限升沈理可該酒酣看落日還欲上層臺

眉生以詩柬伯兄未有見及語兼索和章次韻四首

河鯉河魴總食魚古人感激世人諛目迷黑白一枰了
心折丹青萬變圖峩舸東驅天黯澹高軒西邁野盤紆
同雲匝月陰霾甚何處重霄運斗樞

感事憂時怨雨風一尊且喜故人同狂言未信天如笠
容膝聊安地數弓夢裏有神游泰始眼前何路問無終
興酣叱咤傾胸膈怪事先驚五尺童

頽波浩渺與窮源慷慨真堪策萬言莫遣鸞皇入寥廓
雲臥山莊詩集卷四

大
帖瞻堂刊

漫勞螻蝻噪籬籬滔滔澤國天浮水寂寂山居風掩門
等是撐腸芒角在異時得失待深論

十年楚越託心知不惜蹉跎識面遲粟里歡傾元亮酒
草堂愁詠少陵詩空談相對嗟何補無計畱君悵絕馳
且奏壘麓蒼高唱深情已在菊花時

贈龍樹棠

前日苦熱氣鬱蒸沛然一雨清涼生龍君就我畱信宿
坐爲雨阻遲其行昭昭白日墮昏昧我正愁歎棲柴荆
喜君見過慰岑寂爲詩寄意邀君賡強將心力關捷敏

未暇格律追老成有如原泉隨地出混混晝夜無停聲

豈免泥沙雜清泚欲假桃李來瑤瓊我張旗鼓耐酣戰

君亦奮臂相支撐偏師力可搥堅壘猛士勁擬摧長城

官奴小子不曉事

王子敬小字官奴見逸少帖

亦復旁擊思連兵縱

橫轉鬪不得解嗟君避舍能息爭自從元日大風雨五

月未有一月晴陰陽無乃失調變屢見積潦傷蚩氓方

今盛夏有秋意百感鬱結無由平因君頗得終日樂美

酒破貧當筵傾蒼生之憂非我職放假且共飛瑤觥不

辭跋履常過從更拈好句來相迎

雲臥山莊詩集

卷四

九 帖瞻堂刊

周昌輔茂才見示秋日游嶽麓述懷詩次韻二首

秋來爽氣入林幽選勝真同物外游岡嶺坡陀通曲徑

亭臺層遞接高邛六朝松自空中見三絕碑從斷處求

李北海嶽麓寺碑今已斷缺道光中安化陶文毅公重摹勒石規模僅存神氣遠失矣

更上峯巔

縱遐矚湘江如帶客帆收

古樟拔地蔚濃陰宋代流傳雨露深

監院後大樟垂蔭數畝相傳爲朱晦

菴先生手植人呼爲朱子樟

尚記攜尊撫遺蹟便呼同輩暢幽尋塵

埃坐廢千秋業風雨難忘八載心

余肄業嶽麓書院先後凡八年

卻誦

君詩增感喟幾時倦鳥得棲林

題周湘屏明經

天保

草綠窗詩集

梅城舊是詩人窟老輩風流海內傳餘事孫

白沙吳健軒

蘭柴都磊落異時歐

礪東鄧湘皋

復聯翩淵源各自成宗派

沾句猶能到後賢綠草滿窗吟興健又看吾子筆如椽

二十年前鴻爪痕當時歡讌幾人存

丙午客新化與曾春皋鄧湘皋兩丈

暨曾香海鄒資山陳子諧鄧伯昭小渠小泉李舜卿游子代諸君游讌甚樂今惟香海資山子代存耳故

交半似晨星散客夢驚回夜雨喧感舊君應同一慨論

詩吾已欲無言新編好訂千秋業莫放蹉跎歲月奔

許蓮峯見示辰沅道中各詩賦此奉贈

雲臥山莊詩集

卷四

三

帖瞻堂刊

西風散餘熱涼意徧九垓蹙然聞足音好友風吹來昨
歲送君時寒雲凝不開扁舟阻石尤十日重湖隈書來
道危險感慨有餘哀渡湖西入沅灘高浪喧逐夢魂驚
破碎散落雲濤堆行經萬山窟所見吁可唉邊烽未息
警毒霑成水災流亡多道殣性命輕飛埃深邃堂上居
捐瘠溝中骸獨令道旁客惻愴謀解推蟠胸吐芒角落
筆驅風雷紀行發高詠江山助奇才征途四千里塵垢
何有哉湖水秋未平湘波浩瀠洄撫時鬱百感肝膽森
崔巍羈身各有役咫尺違談詒爲詩送懷抱才薄堪一

哈身世勿復論澆愁當銜杯相約菊花期聯吟傾舊醅
歸途雜詠

經歲常多雨秋深不肯晴平疇蕃水荇積潦亂香杭刈
穫妨農事泥塗媿此生卻登高嶺望雲氣正縱橫

道逢田舍老爲我話艱難夏秀風吹實秋成雨洗殘三
時乖化育八口迫飢寒仁愛蒼蒼意將無爽鑒觀

水渡河邊路年時數往來野航依岸小村店傍山開雞
犬同人狎牛羊識路回塵中得幽意沽酒亦銜杯

神仙人不見潭小尚畱名烟樹籠成幄雲山環似城隔
雲臥山莊詩集 卷四

溪通略約歸路指柴荆自愛吾廬好應須澹世情

謝烈婦

同治八年己巳四月之暮長沙城中風號雨傾無時住
烈婦貞魂泣上訴天光慘慘如夢不得寤解烈婦者誰

謝氏之婦彭氏女于歸八載身猶處子不怨郎癡自知
妾命苦解殷勤奉重闈委曲事病夫言笑不苟艱苦不

渝姻黨嘖嘖稱賢姝解天陰雨溼夜昏黑孤燈黯黯乍

明滅重門砉然開強暴來何瞥同宗乃有此頑劣椎牀

大呼目眦裂解姑聞聲驚起呼婦婦不謦攜婢趨視婦

項已在繩五救之得不死問之泣不止且泣且訴恨切

齒急覓狂徒夜遁矣六矢死靡他姑無奈何強送歸母

家痛哭語孀命不足惜身可惜媮生苟活何以爲人

耶七父知女志不回兄送妹入城來計誘狂徒至手刃

弗得悲憤淚盈顙八再拜別重闈重闈哭婦聲傷悲丁

甯問病夫瞠目直視無一詞翻爲處分鞠育懇切周至

一語一淚垂手指狂徒謂兄此事兄任之語罷慷慨仰

藥長辭九狂徒死狂狂貞烈照人寰申之大府聞於

朝表以綽楔千古永不刊偉哉烈婦足以立懦而廉頑

雲臥山莊詩集 卷四 三 帖瞻堂刊

解十

九日同周昌輔茂才集飲伯兄宅即席有作

夏時不負酒杯寬萸菊還供此日歡漠漠秋陰連地闊

蕭蕭落葉戰風乾孟嘉豪放知名易蘇軾文章作弟難

且喜家居共清讌小詩聊可醉中看

書感

又作三年住遲迴祇自嘲不辭文字役但媿友朋交世

論爭毛髮吾才固斗筭歸休息塵慮精力慎虛拋

夙昔書生志從來事可爲常時觀物變亦未要人知閉

戶期千載修途有百歧茫茫前路渺持此欲安之
肅肅哀鴻羽深深封豕居稻梁愁比戶飛挽急軍書大
將旌麾壯羣生杼柚虛兼籌足兵食無補媿迂疏
南圃蕃嘉木園丁樹藝勞時時護根本往往長蓬蒿看
取凌雲概應知託地高窮冬孤幹在肯任雪霜撓
永夜鴉音亂喧闐柰若何夢中聽易誤高處響偏多老
鶴遙天唳孤鴻溟海過飛鳴自珍惜嗟爾北山羅
疏窗延曙色落葉戰寒風稍待朝曦上翻愁陰雨濛流
光一瞬去殘夢萬家同春睡茅檐足真堪閱我躬

雲臥山莊詩集

卷四

三
帖瞻堂刊

題趙斐卿瀟江三友圖

趙子於詩若性命往往躡壁成孤吟平常坡穎相唱和

閉門自協壘篋音一從青山悼鶴化

君兄振青廣文著
有一鶴山房詩集

七絃輟響悲人琴干戈滿眼拙生事君亦十載傷浮沈

季也晚歲幸一舉冷官遠落瀟江潯阿兄飢走往相就

彭城風雨仍知心一家風雅眾所羨遂有二客來招尋

人生契合本前定搏沙偶聚無商參當時詩酒日過從

高詠笑傲千黃金萍蓬東西有聚散昔者聯襟今分襟

惟餘圖畫記鴻爪尚想韻事同苔岑方今宇內亦多故

大厦正賴梁棟任咄嗟男兒好身手坐敝精力爲書蟬
立言自古稱不朽託業且欲呼朋簪腐儒妄想足嘲弄
我獨感歎難復禁試披斯圖叩三子較量得失誰淺深
詩壇寂寞淒水冷圖中之樹亦蕭森嗟君獨買長沙酒
客窗夜雨愁孤斟

謝事還家畱別同事諸君子疊書感韻

久負東山臥嗟騰南嶽嘲厝薪憂賈誼食粟媿曹交室
可鳴琴瑟家遑計斗筭千金珍敝帚莫擬等閒拋

事機爭一息亦只在人爲世變違常道羣情競後知螢
雲臥山莊詩集

卷四

五

帖瞻堂刊

飛光自閃羊喪路非歧此理安能測吾將任所之

榮悴皆時運誰當功過居明明天下事歷歷古人書論

世吹毛易匡時抵掌虛魯連千載士野服獨蕭疏

未辦昏昏醉甯辭慘慘勞鉤衣防棘刺果腹饜藜蒿閱

世真都妄全身嬾是高惡聲何用反但取不膚撓

去矣從吾好紛紛如此何夜行羣影亂特立一身多都

市工相逐槃阿矢弗過心期終浩蕩萬象儘包羅

金石年來誼相將激古風雲山遂乖隔烟樹對溟濛往

迹甯堪踐遙情或許同加餐各努力吾亦保微躬

自城回鄉途中有作

日歸日日數歸期及到歸時意轉遲
徂歲光陰深雪裏頻年心跡夜燈知
江河東下浮天遠塵土高飛悵路歧
落日長途更西望雲邊烟樹影迷離

經荒塚下作

有引

石子鋪途次見荒塚一坏隱約華表碑碣偃仆
蔓草中似未嘗有祭掃也者停輿審視計其營
葬蓋亦不過數十百年當時必自以爲吉壤豈
知乎疇數十里牛羊之所踐蹋耕種之所墾治

雲臥山莊詩集

卷四

五

帖瞻堂刊

高低起伏多非復自然之形果孰從而辨之又
況異日之犁而爲田掘而爲坑尤可爲思之寒
心者耶程子五患之說仁人孝子所當信守之
無如世人競於爲利而地師因以售其術也作
此以引申程子之意

山川妙結構脈絡燦然呈岡巒起伏間一一見性情散
漫落曠野四望直而平從來闢田疇於茲事水畊閒餘
畜牧場蔓草所縱橫本無交會勢誰信融結成咄哉堪
輿家曲說乃爭鳴高山低爲水微茫指其形牛角與蟬

翼以意強立名張皇詡古壤巧語欺聾盲不知何年月
窀穸此焉營華表高嵯峨豐碑屹崢嶸當時馬鬣封豈
曰非佳城富貴後來期遷延墮杳冥一坏存隱約表碣
臥榛荆傍墳復墾田周遭水盈盈鋤犁日剗削體魄何
由甯祭埽苟不到漸恐成溝坑顧瞻發長喟念彼堪涕
零人死歸其宅亦欲安精靈卜葬避五患吾聞諸二程
紛紛術士言聽之安可輕慎終固有道葬祭重一誠祥
殃在善惡天人理分明冥心覩福蔭忘親亦自傾爲詩
曉愚昧斯論當共聆

雲臥山莊詩集

卷四

三

帖瞻堂刊

贈許廉風上舍卽次其寄慶藩兒詩韻

良醫良相同功業總是拳拳濟世情四聖心源期獨造

昌邑黃坤載以黃帝岐伯越人仲景
爲醫家四聖所著有四聖心源等集

九秋雲路有先聲

壯懷欲埽千人陣詩律難摧五字城茶熟香溫堪抵掌
兼旬歡聚足平生

從來世界一微塵且著脩然物外身顛倒自成今古事
攘熙閱盡往來人空山古木藏深秀小圃餘花媚晚春
誰念紛紛多疾苦願君妙術活斯民

感事疊前韻

竝塞封狼尚阻兵腐儒憂世不勝情旌旗遠認微茫影
鼙鼓頻傳鳴咽聲列幕別開新戰壘顏垣仍逐舊長城
可憐一唱伊涼曲多恐將軍髀肉生

夜郎西望莽烟塵容易安危繫此身兵法攻心應有道
陣前崩角豈無人頗聞令下三軍肅終願天回萬物春
轉餉頻年財賦竭更堪霑灑繪流民

雲臥山莊詩集卷第四終

男慶

藩護

孫本

壺堅

恭校字

雲臥山莊詩集

卷四

三

帖瞻堂刊

